

諸葛武侯全集

上海中原書局
印行

諸葛忠武侯故事卷第五

武威張澍介侯纂輯

遺蹟篇

梁載言十道志武鄉谷蜀封諸葛亮為侯國

澍按南史明諧之傳梁州刺史范栢年對明帝云臣州有友川武鄉廉泉讓入武鄉卽此魏書地恐誌裏中郡武鄉縣延昌元年置考其疆域蓋在今南鄭秦淮三縣之間寰宇記謂武鄉谷在南鄭縣東北三十一里十道志謂在縣南卽諸葛孔明受封之地

鮑堅南雍州記隆中諸葛亮故宅有舊井一今涸無水

殷芸小說諸葛武侯躬耕於南陽南陽是襄陽墟名非南陽郡也出異苑

習鑿齒漢晉春秋諸葛亮家於南陽之鄧縣在襄陽西二一本外作四十里號曰隆中

澍按如習氏說則南陽非墟名明矣異苑未可據又習氏寄桓秘書曰西望隆中想卧龍之吟大有與白沙鹿門漢水相近也

盛弘之荊州記襄陽西北十許里名為隆中有諸葛孔明宅

澍按明周伯孔以襄陽西南二十里之伏龍山謂卽隆中

元和郡縣志諸葛亮宅在襄陽縣西北二十里

荊州圖副鄧城舊縣西南一里隔鴻有諸葛亮宅是漢昭烈三顧處

荆州圖副鄧城西七里有作樂山諸葛亮昔嘗登此山為梁甫吟也

水經注沔水東逕樂山北昔諸葛亮好為梁甫吟每所登游故俗以樂山為名沔水又東逕隆中歷孔明舊宅但亮語劉禪云先帝三顧臣於草廬之中咨臣以當世之事即此宅也車騎沛國劉季和之鎮襄陽也與健為人李安共觀此宅命安作宅銘後六十餘年永平之五年習鑿齒人為其宅銘焉

澗按襄陽記李安作李興王隱晉書李興密之子一名安常據云興字雋碩官太傅參軍水經注隆中諸葛故宅有舊井一今涸無水

盛弘之記云隆中諸葛井深五丈廣五尺堂前有三間屋地基址極高云是避水臺又有三顧門宅西背山臨水孔明嘗登之鼓琴以為梁甫吟因名此為樂山先有董家居此宅哀殄滅亡後人不敢復憩焉厥後武中有人修井得一石椀高一尺二寸長九寸獻齊安王習鑿齒又為宅銘

澗按武侯之好為梁甫吟為思邈故鄉如莊舄之越吟耳姚寬所云願輔佐君王為讒邪之所阻俟取此意未必然也

習鑿齒襄陽記襄陽有孔明故宅有井深五丈廣五尺曰葛井堂前有三間屋地基址極高云是避暑臺宅西面山臨水孔明嘗登之鼓瑟為梁甫吟因名此為樂山嗣有董家居此宅哀殄滅亡後人不敢復憩焉

澗按盛弘之荊州記避暑作避水鼓瑟作鼓琴面山作背山與襄陽記微異

襄沔記晉永興中鎮西將軍襄陽郡守劉弘至隆中觀諸葛亮故宅立碣表間使少傅掾犍為李興為文

荊州記襄陽諸葛亮宅有井深四丈餘廣一尺五寸壘甃如初

一作迄今

廣輿記劉琦臺在襄陽府治東即劉表子琦與諸葛孔明謀自安計登樓去梯處

元和郡縣志劉琦臺在襄陽縣東三里琦與諸葛亮登臺去梯言之所也

古志林議事堂在新野縣學內世傳昭烈與徐庶議訪諸葛孔明在此堂也

南陽府志卧龍岡在南陽府城七里起自嵩山之南綿亘數百里至此截然而止回旋如巢然草廬在其內前有井澗然澗深曰諸葛井青石為林有汲綆渠百十道數不能竭其下平如掌即侯躬耕處舊為福以奉之元至大中建書院嘗有道士居住夜聞兵聲懼而移之

澗按隆中在襄陽西二十里不在南陽郡也此後人附會之說又以卧龍岡在南陽府亦之襄陽府志隆中山在府城西二十五里孔明常居於此府西有卧龍山宅西有避暑臺有三顧門因昭烈三顧而名

輿地志褒斜道一名石牛道諸葛亮與兄瑾書前趙子龍退軍燒壞赤壁以北閣道即此梁州記沔陽城沔漢上十五里有諸葛武侯所鎮在漢水南背山向水門前累石以為陳益州記瀘水即武侯渡處水有熱氣暑天不敢行

水經注沔水東逕西樂城北城在山上周三十里甚險固城側有谷謂之容表谷道通益州山多羣獠諸葛亮築以防遏

水經注沔水東逕武侯壘南諸侯武侯所居也南枕沔水水南有亮壘背山向水中有小城迴隔難解

水經注五丈谿水側有黃沙屯諸葛亮所開也

水經注渭水逕五丈原北斜水逕五丈原東諸葛亮與步騭書曰僕前軍在五丈原原在武功西十里餘

水經注成固北百二十五里有興勢坂諸葛亮出駱谷成興勢置烽火樓處處通照

澍按今刊水經注脫一處字依元和志補又按鳳翔府志興勢山在洋縣二十里山形如盆外甚險盤道以上諸葛公嘗戍於此後魏興勢縣以此名

水經注魏明帝遣將軍郝昭築陳倉城成諸葛亮圍之亮使昭鄉人靳詳說之不下亮以數萬攻昭以千餘人為雲梯衝車道逼射昭昭以火射連石拒之亮不利而還令泝水對亮城是與昭相禦處也

水經注祁山在蟠冢之西七十里許山上有城極為嚴固昔諸葛亮攻祁山即斯城也漢水逕其南城南三里有亮故壘壘之左右猶有豐茂宿草蓋亮所植也在上邽西南二百四十里

水經注渭水出武功縣故亦謂之武功水是以諸葛亮表云臣遣虎步監孟珪據武功水車司

馬懿因水長攻敵營臣作竹橋越水射之橋成馳去

水經注渭水又東逕與家北諸葛亮與步騭書曰馬家武功十餘里有高勢攻之不便是以留耳

水經注漢水又逕南岨北岨中上下有二城相對左右墳壠低昂巨山被旱古諺曰南岨北岨萬有餘家諸葛亮表言祁山去沮縣五百里有民萬戶臨其邱墟信為殷矣

澍按方輿紀要云武侯出祁山祁山萬戶出租五百石供軍

水經注漢水右對月谷口山有坂月川於中黃壤沃行而桑麻列植佳饒水田故孟達與諸葛亮書善其川土沃美也

水經注度水逕陽平縣故城東又南逕沔陽縣故城東而南流注於漢水其西溪水由漢樂城東流入城諸葛武侯所築也漢建興七年冬亮徙府營於南山下原上築漢城於沔陽築樂城於城固城在山上周三十里

方輿記要武侯屯漢中置赤崖庫以儲軍資

元和郡縣志興勢山在洋縣北二十里蜀先帝遣諸葛武侯出駱谷戍興勢山置烽火樓處處通照即此山

魏氏春秋諸葛亮據渭水南原司馬懿謂諸將曰亮若出武北依山東轉者是其勇也若西上五丈原諸君無事矣亮若武北原與懿相禦

元和郡縣志祁山在長道縣東十里蜀後主建興六年諸葛亮率眾攻祁山即此是也漢水經其南有諸葛亮壘壘之左右猶有豐草蓋亮之所植也

澗按通典云漢上祿縣有祁山上有城極高嚴固其山九州之名阻也蜀後主建興六年諸葛亮攻魏軍於此開山圖云漢陽西南有祁山谿徑逶迤山高巖險九州之名岨天下之奇秦州志祁山東十餘里外曰鹽官鹽官外曰木門堡即諸葛武侯設伏射張郃之處

澗按鞏昌府志木門在秦州東九十里

元和郡縣志木馬山在景谷縣西南二十五里諸葛亮之出祁山也作木牛流馬以供運於此造作因以名焉

元和郡縣志石門關在景谷縣西南十八里因山為阻昔諸葛亮鑿石為門故名之元和郡縣志諸葛亮壘俗名下募城在秦州上邽縣東二里初亮出議者或欲自莖上邽左右麥以奪敵食魏帝不從又勅令護麥及司馬懿與諸葛亮相持賴此麥以為軍糧

地理通釋蜀志建興七年諸葛亮徙府營於南山下原上築漢樂二城通鑑築漢城於沔陽樂城於城固二縣屬漢中郡沔陽今興元府西縣城固今城固縣故西樂城在西縣西南武侯所立甚險固輿地廣記城固縣蜀改為樂城

太平寰宇記西縣諸葛城即諸葛孔明拔隴西十餘家還漢中築此城以處之因取名焉

李膺益州記稚子關北五里有武侯八陣圖

水經注沔陽定軍山有亮八陣圖

梁州記沔陽城沂漢上十五里有諸葛武侯所鎮在漢水南背山向水門前壘石以為陳水至壞其行列水去輒復故

元和郡縣志諸葛公八陣在新都縣北十九里

寰宇記夔州奉節縣本漢魚復縣八陣圖在縣西南七里

澍按元和郡縣志八陣圖在奉節縣西七里無南字

興元志西縣有武侯八陣圖

九州通志定軍山在沔縣東南十里兩峰對峙漢昭烈於此山下作營斬魏夏侯淵山有諸葛巖上有兵書匣其山壁立萬仞非人跡可登其下有八陣圖又有督軍壇鄉人云每陰雨時上有擊鼓聲

地輿志定軍山武侯廟內有石琴一拂之聲甚清越相傳武侯所遺

西川廣記五丈原在鳳翔府郿縣西三十里又云在岐山縣南又云在武功縣諸葛公據渭南與魏司馬懿相拒屯兵於此

岐山縣志郿閣在斜谷口蓋諸葛亮欲伐魏用流馬轉運谷中故先築郿閣於此後人因建懷賢閣

元和郡縣志五丈原在寶雞縣西南三十五里初諸葛亮與司馬懿相持亮據渭水南原懿謂

諸將曰亮若出武功依山東轉是其勇也若西上五丈原諸君無事矣亮果屯此原耕者雜於渭濱居人安堵軍無私馬

輿地志箕山在褒城縣北十五里山有秦王獵池及丙穴道入谷諸葛丞相遣鄧芝趙雲等據箕谷即此

水經注諸葛亮討平南中劉禪建興三年分益州郡置建寧郡於溫水側皆是高山山水之間悉是本耳夷居言語不同嗜欲亦異雖曰山居土差平和而無障毒

地理通釋武侯之治蜀也東屯白帝以備吳南屯夜郎以備蠻北屯漢中以備魏

一統志斜谷關在郿縣西南三十里谷之南口曰褒北口曰斜即孔明出師處三交城在鳳翔府寶雞縣西四十里魏司馬懿與孔明相拒於此築城

澗按元和郡縣志三交城在寶雞縣西六十里司馬懿與諸葛亮相拒所築寰宇記云三交城在寶雞縣西四十六里耆舊傳司馬懿與諸葛亮相拒於此因築此城

一統志石鼻寨在寶雞縣東四十里武侯所築以拒郝昭一名石鼻城自北入蜀者至此漸入山自蜀趨涪者至此已出山奔河於此見渭河

澗按蘇詩施注武城鎮即俗所謂石鼻寨也云孔明所築

元和郡縣志陳倉故城在寶雞縣東二十里有二城相連上城秦文公築下城魏將郝昭築諸葛亮進兵雲梯衝車晝夜攻圍二十餘日無利乃引去

元和郡縣志散關在陳倉縣西南五十二里蜀志諸葛亮出散關圍陳倉即此

一統志陳倉道在沔縣東北二十里由百丈坡入山今塞武侯出散關圍陳倉即此

雍勝略陳倉故道在沔縣東北二十五里漢諸葛亮出散關度陳倉曹操自陳倉出散關即此
雍勝略石馬城在沔陽東二十里諸葛亮屯兵處

古志林赤坂在洋縣東二十里有地色赤故名魏司馬懿攻蜀建興五年武侯出兵屯漢中築城於成固駐兵赤坂即此

水經注黑水出漢中南鄭縣北山南流入谿諸葛賤曰朝發南鄭莫宿黑水四十五里

澍按庾仲雍曰黑水去高橋三十里今之黑龍江正在縣北四十里即黑水也

荊州府志蓮花池在沔縣治北其畔有孔明讀書亭遺址每遇花時縣人游翫

鳳州圖經梁泉縣有武侯城又有思計臺在縣南武侯嘗登臺有畫於此因以為名

澍按梁泉縣後魏所置今之鳳縣

益州名畫記孟蜀廣政中荆南高大王令邸務丁晏入蜀請畫工李文才寫興義門雙石笋微其故實道士范德昭曰斯乃蠶叢啟國鎮蜀之碑中以鐵柱貫之下以橫石相連埋木地際上有文字言歲時豐儉兵革水火之事諸葛亮曾掘驗之真珠樓基海眼皆非也蜀人少知云出方圓記

錦繡萬花谷西金容坊有石二株舊曰石笋前秦遺址諸葛孔明掘之有篆字曰蠶叢啟國之

諸葛忠武侯故事

卷五

五

碑以二石柱橫埋中連以鐵中南一北無所偏倚有五字濁歌觸觸時人莫曉後范長生議曰亥子歲濁字可記主水災寅卯歲歌字可記主饑饉巳午歲燭字可記主火災辰戌丑未歲觸字可記主兵災申酉歲蠲字可記主豐稔後以年事推之悉皆符驗

劉光祖萬里橋記羅城南門外竿橋之東七星橋之一曰長星橋者古今相傳孔明於此送吳使張溫曰北水下至揚州萬里後因以名或曰費禕聘吳孔明送之至此曰萬里之道從此始也

成都郡縣志萬里橋架大江水在成都縣南八里蜀使費禕聘吳諸葛祖之禕歎曰萬里之路始於此矣橋因以名

樹按一統志以萬里之行始於此為武侯諸非也劉光祖萬里橋記亦同此誤蜀十華陽志均以為費禕語

黃了翁朝真觀記略出東城西北為朝真觀觀中左列有聖母仙師乘煙葛女之祠觀西有武侯祠是侯故宅也故老相傳侯有女於宅中乘雲輕舉唐天寶元年章公始更祠為觀秦名為煙

有光庭祿云稱成都書臺坊武侯宅南乘煙觀因有古井井內有魚長六七寸往往游於井上或取魚水必騰涌相傳以為必有龍也

太平寰宇記諸葛相蜀築臺以集諸儒兼待四方賢士號曰讀書臺在章武門路西今為來煙

觀
元和郡縣志諸葛亮舊居在雙流縣東北八里今謂之葛陌孔明表云薄田十五頃桑八百株
即此地也志又云廣都縣西南有諸葛亮記

劉澄之梁州記諸葛亮宅有井深四尺餘廣一尺五寸壘甃如初開云

明史五行志成都東門外沿江十里有鐮橋橋畔有迴瀾塔萬厯中布政余一龍所修也崇禎
十六年張獻忠破蜀後登塔見成都城池宮殿曰此不利於城命毀之修築將臺穿地取甃至
四五丈得一石碑上有篆書云修塔余一龍折塔張獻忠歲逢甲乙丙此地血流紅袂運終川
北毒氣播川東吹簫不用竹一箭貫當胸漢建興元年丞相諸葛亮記

澍安鎮橋即鎮江橋射中張獻忠額者為肅工裨將雅布蘭事在順治三年

方輿勝記諸葛井在成都府大慈寺西里許自上窺之祇見其三邊不知其際涯也昔孔明鑿
此以通井絡王氣俗傳有人入井聞其中有雞聲

成都府志九里隄在府城西北隅其地窪下諸葛武侯築隄九里以防衝齧

張華博物志臨邛火井一所從廣五丈深一二丈井在縣南百里昔時人以竹木投以取火諸
葛丞相往視之後火轉盛熱以盆蓋井上煮鹽得鹽入以家火即滅至今不復然也

澍按一引博物志云臨邛火井諸葛亮往視後火轉盛以盆貯水者之後人以家火投井火
即滅至今不然

許敬叔異苑臨上有火井漢室之隆則炎赫彌熾暨桓靈之際火勢漸微諸葛亮一瞰亦作而更盛至景耀元年人以燭一作竹投即滅其年蜀井於魏

澗按劉昭後漢書補注云取井火還煮井水一斛水得四五斗鹽家火煮之不過二三十鹽耳即蜀都賦所云火井浣熒於幽泉中揚井葦謂正德中方出火古人博物亦未及此疏矣蜀廣記長寧縣有清井在縣北寶屏山下古老云昔諸葛孔明先生云日後當出一寶否則產英賢及下山見井曰此足以當之矣

澗按輿地紀勝清井脈有二一自對谿報恩寺山趾度溪而入常夜有光如虹亂流而濟直至井所一自寶屏隨山而入謂之雌雄水初人未知有井夷人羅氏漢人黃姓者因牧而辨其鹽僉議刻竹為牌浮於谿流約得之者以井歸之漢人得牌聞於官井遂為漢有

山川紀異諸葛鹽井有十四自山下至山上其十三井常空盛夏水漲則鹽泉迤邐遷去於江水之所不及

澗按蘇東坡有諸葛鹽井詩二注與此全同

水經注江水又東逕南鄉峽又東逕永安宮南劉備終於此諸葛亮受遺處也其間平地可二十里許江山迴濶入峽所無城周十餘里背山面江頽墉四毀荆棘成林左右民多墾其中

蜀地紀永安宮在夔州府治東今之府學也先主為陸遜所敗還至白帝建此即諸葛受遺命處

夔州府志夔州有義泉諸葛武侯所鑿侯慮城中無水乃接筒引泉入城後夔守無藝以權水取錢至宋待制王龜齡罷之

成都志九里隄在縣西北隄長九里故老相傳諸葛亮所築以捍水勢

太平寰宇記濛水源出琅岐山經濛陽故思南二百五十步俗呼武侯水後唐長興三年孟知祥敗董璋追至武侯津即此水也

元和郡縣志馬蹄水在金堂縣二里後唐長興三年孟知祥敗董璋追至武侯津即武侯津濟處也

圖經老人邨即老澤也在青城北百三十里昔諸葛亮遺犀犛於山下故名

蜀名勝志成都府成都縣太城者南城門也張儀司馬錯所築諸葛武侯以丞相開府領益州牧故晉益州刺史治太城其制因之

四川通志鐵谿河在成都縣南十三里流入白水河昔武侯烹鐵於此因名

元和郡縣志劍閣道自利州益昌縣界西南十里至大劍鎮合今驛道秦惠王使張儀司馬錯從石牛道伐蜀即此也後諸葛亮又鑿石架空飛梁閣道以通行路後李特入漢川至劍閣顧盼曰劉禪有如此地而面縛於人豈非庸才

華陽國志諸葛亮相蜀鑿石矣一作界空飛梁閣道以通蜀漢即古劍閣道也

歐陽志輿地廣記石牛道者山有小石門穿山通道六丈餘漢永平中司隸楊厥又鑿而廣之

諸葛孔明以鑄劍至此有隘束之稱乃立劍門縣復修閣道置尉以守之常璩曰閣道三十里至險晉書李待入蜀至劍閣顧盼險阻曰劉禪有此地而面顧於人豈非庸才

澗按司隸校尉楊雄不名厥其誤始於鄺善長水經注而歐陽永叔集古錄沿之

元和郡縣志漢元鼎六年開白馬氏以其地為武都郡魏時以楊阜為武都太守及劉先主取漢中民移武都於美陽後諸葛亮使將攻武都陰平遂平定二郡其地始入於蜀
太平寰宇記諸葛亮相蜀於劍閣立門以太劍山至此有隘束之路故名

九州通志籌筆驛在利州即今保寧府廣元縣北八十里武侯出師籌畫於此

澗按即今之神宣驛也杜牧詩所云永安富受詔籌筆驛沈思畫地乾坤在濡毫勝負知李商隱詩魚鳥猶疑畏簡書風雲長為護儲胥即指此

周書陸騰傳資州盤石戍民反殺郡守據險自守州軍不能討騰率軍討擊破斬之而蠻獠兵及所在蜂起山路險阻難得掩襲騰遂量山川形勢隨便開道蠻獠畏威不風請服所開之路多得古名一作並是諸葛亮桓温舊道

四川通志七盤山在劍州西武連驛北上有武侯坡

一統志烽火山在梓潼縣東南一百三十里相傳武侯置烽火於此故名

保寧府志葛山在保寧府梓潼縣北二十里孔明常屯兵於此因名上有諸葛廟

元和郡縣志武侯山在靈池縣東南十五里

澗按靈池縣在今廣流縣地

梓潼志葛山在梓潼縣西南二十里一名亮山又名卧龍山相傳武侯伐魏駐兵故投見虎狗蛇蟲勢惡自卧草中獸皆俯伏有古碑在山之景福院

元和郡縣志廣都縣先主以蔣琬為長史諸葛亮曰琬托志忠雅當贊王業非百里之才即此地

雅州府志鐵櫃山在雅州北五里形如鐵櫃相傳武侯常屯兵於此

一統志大相公嶺在雅川榮經縣西一百里相傳諸葛公征西南夷經此上有諸葛廟

雅州府志小相公嶺在越嵩衛南五十里形勢高聳石磴崎嶇自麓至頂凡十五里武侯所開即涼山北境為野夷出掠之所今設兵防汎商旅往來稱便

太平寰宇記相公山漢相諸葛亮常駐兵於此

四川通志后來亭在雅州南十里昔孟獲為害鄉人引領望武侯來征因名

南中志蔡山在雅州城東五里武侯征西南夷經此而夢見周公故又名周公山因封為文憲

王廟復勅境內俱祀周公

太平寰宇記周公山在嚴道縣東南畔山勢屹然上有龍穴常多陰雲耆老傳云昔諸葛亮南

征於此夢見周公遂為立廟州縣常以靈驗聞偽蜀乾德六年題曰顯聖王之廟

蜀志雅州有周公山相傳孔明於此夢見周公因立廟為文憲廟號周公山

諸葛忠武侯故事

卷五

澗按廣輿紀云周公以陰兵助武侯附會不經

圖經周公山諸葛亮南征夢周公於此立廟祀之因名

名勝志萬勝岡在雅州西諸葛武侯禽孟獲旋師至此岡下人聚觀之因名後建亭於其上為龍觀為龍觀寺

輿地志平羌江在雅州城北舊傳羌夷入寇諸葛亮擊平之於水上因名平羌

方輿勝覽七縱橋在雅州榮經縣東十里孟山下因孔明禽孟獲而名前臨大江曲七縱渡

名山縣志百丈廢縣有廢上城石縣東北三十四里周七十二又相傳武侯征蠻時所築遺址猶存

四川通志南壽山在永寧州東南二十里山形高秀本名博望山即諸葛武侯屯兵處一云在瀘州東南

澗按山在興文縣界內

太平寰宇記馬湖江從戎州西南流出東郭與蜀江合下達於荆南源出雲南而來諸葛亮之表云五月渡瀘即此水之上流也蜀號瀘水

元和郡縣志瀘州即江陽先主入益州遣諸葛亮張飛等引兵次流定江陽是也

元和郡縣志瀘州縣曹公入漢中諸葛亮出屯江陽亦在此

元和郡縣志西瀘縣有瀘水在縣西百一十二里諸葛亮征越嶲上疏曰五月渡瀘深入不毛